

मौलौ ध्वोड-र रड्क

त्योम जी अवतार

मोलो ध्वोड-र रङ्क

गजल (मगरखाम/पाङ)

मोलो ध्वोड-र रङ्क

गजल (मगर खाम/पाड)

सर्ज्याउः

बोम ब. घर्तीमगर 'व्योम जी अवतार



आदिवासी जनजाति उत्थान राष्ट्रिय प्रतिष्ठान नेपाल
जावलाखेल, ललितपुर

मोलो ध्वोड-र रड्क

गजल (मगर खाम/पाड)

सर्वाधिकार© : बोम घर्तीमगर 'व्योम जी अवतार

प्रकाशक : आदिवासी जनजाति उत्थान राष्ट्रिय प्रतिष्ठान,
केन्द्रीय कार्यालय, जावलाखेल, ललितपुर

कार्यकारी/व्यवस्थापकीय सम्पादक : सरीना गुरुड

सम्पादक : जिवन प्रवेश रोकामगर

संस्करण : वि. सं. २०७२ (प्रथम)

प्रकाशन प्रति : ३०० प्रति

ISBN : 978-9937-8439-2-5

प्रकाशकीय

नेपालका आदिवासी जनजातिहरूको सर्वाङ्गीण विकासका लागि सरकारी तवरबाट कार्य गर्ने उद्देश्यले नेपाल सरकारले आदिवासी जनजाति उत्थान राष्ट्रिय प्रतिष्ठान ऐन, २०५८ अनुसार आदिवासी जनजाति उत्थान राष्ट्रिय प्रतिष्ठान स्थापना गरेको हो । चौध वर्षको यात्रा पूरा गरेको प्रतिष्ठान स्थापनाकालदेखि हालसम्म नेपालका आदिवासी जनजातिका जाति, भाषा, धर्म, संस्कार-संस्कृति, साहित्यको अभिलेखीकरण र प्रबर्द्धन तथा सामाजिक वृत्तिविकासमा वार्षिक कार्ययोजनाहरूमार्फत् काम गर्दै आएको छ । आदिवासी जनजातिका विभिन्न आयामहरूमा अध्ययन-अनुसन्धान गर्ने, गराउने र प्रकाशन गर्ने काम पनि प्रतिष्ठानबाट भइआएको छ । कुनै पनि सङ्कटापन्न भाषाको संरक्षण त्यस भाषाको लिखित साहित्यबाट गर्न सकिने उद्देश्यले आदिवासी जनजातीय भाषाहरूको साहित्यका पाण्डुलिपिहरू आह्वान गरी प्रकाशनका लागि आंशिक आर्थिक सहयोग गरी प्रोत्साहन गर्ने समेत प्रतिष्ठानको नियमित कार्ययोजनामा रहेको छ ।

आर्थिक वर्ष २०७१/०७२ देखि प्रकाशन योजनालाई प्राज्ञिक तथा अनुसन्धान महाशाखाले केही परिवर्तन गरी आदिवासी ज्ञान र संचेतनालाई अभिवृद्धि गर्न योगदान पुऱ्याउने खालका पाण्डुलिपिहरू छनौट गरी प्रकाशनमा पूर्ण आर्थिक सहयोग गर्ने निर्णय गरेको छ । मातृभाषामा सिर्जित/निर्मित साहित्यका सबै विधा, शब्दकोश, पाठ्यसामग्री र अनुसन्धानात्मक पाण्डुलिपीहरूलाई सहयोग गर्ने प्रतिष्ठानको नयाँ कार्ययोजनाले जनजातिहरूको पहिचानको वातावरण तयार पार्न सहयोग पुग्नेछ । यही शृङ्खलामा बोम बहादुर घर्ती मगर (व्योम जी अवतार) द्वारा रचित खाम मगर भाषाका गजलहरूको मौलिक कृति 'मोले ध्वोडर रडक्' प्रकाशन गरिएको हो ।

गजल आम युवा साहित्यपारखीबीच लोकप्रिय विधा हो । यसको लोकप्रियताले नेपालका विभिन्न आदिवासी जनजाति मातृभाषाहरूमा समेत यसले ठाउँ लिइरहेको छ । मातृभाषाहरूमा समेत सबैभन्दा बढी

लेखिने विधामा गजल परेको छ । यसको संक्षिप्तता र भावको तीव्र प्रवाह जस्ता गुणले मातृभाषीहरूका पाठकहरू बढ्दै जान थालेका दृष्टान्त देखा परिरहेका छन् । यही मेसोमा यो कृतिले खाम मगर भाषामा पढ्ने बानीको विकास र लेखनलाई वृद्धि गर्न प्रेरणा दिन सक्ला भन्ने विश्वास गरिएको छ । सर्जकले रचनाका विषयमा मगरहरूका संस्कार-संस्कृति र सामाजिक चेतनालाई पनि टिपेकाले यसले पाठकहरूलाई आत्मबोध र स्वपहिचानका लागि समेत भक्भक्क्याउला भन्ने अपेक्षा गरिएको छ ।

अन्त्यमा, सर्जकलाई आगामी दिनमा समेत यस्ता कृतिहरू निर्माण गरेर नेपालको मातृभाषी साहित्य सिर्जनामा इँटा थप्न शुभकामना दिन चाहन्छौं । र, आम प्रबुद्ध पाठकहरूलाई प्रकाशन शृङ्खलाहरूका बारेमा रचनात्मक सुभाषा दिई सहयोग गर्न हुन अनुरोध गर्दछौं ।

सरीना गुरुङ

निमित्त प्रमुख

प्राज्ञिक तथा अनुसन्धान महाशाखा

आदिवासी जनजाति उत्थान राष्ट्रिय प्रतिष्ठान

जावलाखेल, ललितपुर

असार २०७२

चरैसिउ

वॉइद मानाज्यउ मगरय सरैसिन्य र्रो-र
खिम्द साचोका अस्तित्व सजन्द सजन्य
ज्युडनी लाक रील हँसिद यामी युड,
गुदी, पसँउ सनो समय यान्य पार-
लाए.....।

मोलो ध्वोड-र रड्क तचोप डारो

डारड्क इतिहास लेन्दा जैसिव लिज्य ।

असु-र पार सेल्द भेन्दा जैसिव लिज्य ।

कराउ अवाँइवो गेमी इतिहास ? कैजैद अमानाज्यउ गेमी सरेसिन्य चिना-र सनो कराउ अमेसिज्याउ गेमी पाड, धर्म सनो संस्कृति-र ? बुजिउ परिज्य, सैव परिज्य सनो साभो पाल परिज्य ।

इतिहासला मितिंव स्वील-र खिम्सिज्य

हो सेल्दे ख्यासिव सेता त्वील-र खिम्सिज्य ।

अमितिव कराउ इतिहासल गेस्वील-र ? गेमी पाड यापाड्क कराउ असेल्सिव गे पुर्खाराय यासे-र ? कराउ लु सनो रा याजैसिउ गेलाए ? कराउ रप्सिव सनो खप्सिव यापरिड्सिज्याउ गे-गेज ? सुय अदोज्याउ इताउ जालजेल ? कराउ यासवाँइसिज्याउ आदा फ्वाड होदा फ्वाड ? कराउ याखेम्सिव ग्वाडकु ग्वाड जैद ? आव र्रो-र ? अज्युड अज्युडल सिम्सिद सैव परिज्य । हैजैदके

निडद लाडसिव गेमी हक-र निउ ची परी

मायोकेर भने गे मगर किउ ची परी ।

हो निडद यालाडदेसिव नो गेअस्तित्वस गेहक-र तोभो-तोभो जैद साभो परिज्य । निउ परिज्य । मायोकेर भने गे रैथान्य मगर-र तदेडका ताद भल पैरा रैद गेमी नो बैमानिरास खप्सिदुव परिज्य । हो ज्युडनी समयस ज चनाखो ताद डादा बाव परिज्य । कराउ की नो-र याजाव बार सनो यालैव माचाउ छापए आर्ख गेज गेलाए डल्सिद गेमी पाड, धर्म, सनो संस्कृति-र पछिमेली संस्कृतिस अरू जातिराय याचलनस तोसिद फोसिद वाँइनाज्य । नत गे सोगो हाइव परिज्य ।

गेमी पाड धर्म संस्कृति तोसिद वाँइनाज्य

छुतो-र यामी संस्कारस फोसिद वाँइनाज्य ।

आवसेव र्रोराय यासोगोल च्योवल्द डालेक-डालेक आव-र याज्युडनी युडनी डाचेतैक डाचेतैक गेमी पाड, संस्कृति सनो साहित्य कलारलाए आखरत सिल्द हार जैद डाबानाक डाबाक दासिव यँनय सवैद अससैव

अहोनानी 'सोचोके गजल सङ्ग्रह सनो 'च्यांसिव परी कविता सङ्ग्रह डापुलैके । नोनी यान्जिन्क फेरी पाल 'मोलो ध्वोड-र रडक गजल सङ्ग्रह साहित्यिक कुइख्याड रैद डाहुज्याउक पाँई आव यमल बान्य सनो माबान्य सेन्तै मगर दाजुभाइ सन् नाना बैनीरलाए मगराती साहित्यसका कलमी जेदो ।

पोस्तोको जर्मिं रोय अतुड आव अतानी साहित्यिक कलमय अधर्म जीवन, नाम सनो प्रेमय अपरिभासा-र योद स्योद क्याडए अभोगिव अदैव पार-पार .रोरलाए सन्याँ पैद डानै भने देससका प्रेमकिन रैद समयसका हुज्याउ .रोरलाए पाल १९ औं सताब्दीला चार दसकल मोतिराम भक्तनी नेपालल ससिम्सिव गजलय बिध्यत पो-र याव पैद डानै । बरु नो ज्युडनी खालका सफल डाताय हो जिमा पाँईलाए डायाचो ज्य । भने नेबले जीवनस नामय अपरिभासा-र गजलडाम ...

मिंय चोला कागत ची जो तानी ससी पाल

गारील गप्सिव .री ची स्यो-स्यो थसी पाल ।

जति च्याडसिनी तछा चुसिव ज परीय

बाध्यताय च्युरुडगाल रूसिव ज परीय ।

जुथ साचो कताड ताय देउता छुद मिंलाए

माहारिय ज सत्य चुमचुमोल रुद मिंलाए ।

देसप्रेम सनो समयसका गजल-र ...

माचाउ मड-र मडदे तागरन आमै

आसाय धुर-र थडदे तागरन आमै ।

देसय ज्युडनी खालका सहिद ताकेर

ताकेर नो-र यास्वादै वाँइद बाकेर ।

समाजल सेन्तै सन्ने मिं पाल ताव परिय

सन्ने मिंय अरो बन्ने मिं पाल ताव परिय ।

बिद्रोहस समाजय अडा तोन्य .रो-र पाल ...

ओर्गेय युडला गलाड-र फ्याव ची परी

दुली जैद समाजडाय ख्याव ची परी ।

चाउ-चाउ .रो-र युडल सिन्दे हुचोके

माचाउ .रो-र बुभराल गिन्दे हुचोके ।

खास धाद गजल बिध्य माया प्रेमय ज्युडला .रोरलाए कोतैन्य साहित्य अताउ कारनए डा पाल डाजीवनए अदैयासमन्का नो दैसिव डमो माडमो छाप-रलाए सतन्दे सन्याँ पैद डानै ...

धोके बाजी मायालुलाए सरेव डाम्दुके

अयुङ खिताउ डादा ज परेव डाम्दुके ।
डाफोसिज्य नडस गुनासो माले
डारोसिज्य मडस गुनासो माले ।

अइजैद ज डदुया समनला पार डोरलाए तचोप नेचोप जैदे सोगोलो पोस्तोको सजमैद डानै डामी युङ, पसँउ, समय सनो हँसिव साहित्यय बिहँनी कलमलो खुतिताम ।

माखा मिराए यागैव होनानी डामासिया समन् आसामी ताद आव पोस्तोको सजमैद डानै । नो सहयोग यान्य ग्योव-ग्योव युङसका कुइरलाए डा मेव ज डामादुय । पाँईनी डाधाके कम्प्युटर टाइपिङ, सेटिङ किनी रैद बाहेरता अकर्तासमन् जैदेद आव पोस्तोकोय सोगोलो अक्याङ जैदेन्य युङलु डानय साहित्यकार, कलाकार, पत्रकार सनो सम्पादक नवीन लोचनमगर सनी खेमराज थापामगर गाउँलेनीलाए युङडाम भ्या-भ्या स्याबास याव डान्पैज्य ।

आवस ज वर्णविन्यास रङ्देद अमी डोर-र नैदेन्य से:र नेपाल मगर ले खक (सन्ध्या) संघ केन्द्रीय समितिला महासचिव साहित्यकार जीवन रोका (जे.आर.मगर)लाए पाल मस्त-मस्त स्यावास ।

आव पोस्तोको पुलैदेन्य आदिवासी जनजाति उत्थान राष्ट्रिय प्रतिष्ठान जावलाखेल ललितपुरलाए भन भ्या-भ्या स्यावास ले होस ज पोस्तोको छापिन्य शब्दघर क्लासिक प्रिन्टिङ सर्भिस काठमाडौंलाए पाल स्यावासय शब्द-र यान्य कत-कत डामाले डा । माहोल्या गैन्य मिय सनो संस्थाय कुइरलाए तचोइत चेतइद स्यावास याव डाम्पैज्य आवसेउ जेमी आसल जेदो ।

सर्ज्याउ

रोलोटुड

रोल गजल-र

१. ओर्गेय युड्ला गलाड-र
२. सिउ मिँ ची डा
३. होक ज़ मिँ ता
४. प्यारो
५. जेदोज़े सै जेमादोज़े
६. यम मेन्य माड्क
७. मिँय मड-र
८. मुन्दुले सान्दा-र
९. युः तेव सेव
१०. पैसा चाहिके
११. माहारिय सत्य
१२. पार वाँइनाज्य
१३. मिँ-र रड्सिके
१४. गरिब मिँए
१५. ग्यामो भि-र
१६. जति च्याडसिनी
१७. सन्ने मिँय अरो
१८. युज्याउ गोभिम
१९. डप्सिसिज्य
२०. मादुसिन्य
२१. रड्सिज्य मड सै
२२. कता ज़ मारडर
२३. मिँरलाए
२४. अरु-र स्यानाउँ
२५. नेपालल
२६. चोला कागत

२७. डलन्य मिँ-र
२८. नमदा बाद
२९. तागरन आमै
३०. फेरी हुय सै
३१. रङ्क इतिहास
३२. गुनासो माले
३३. वल्लिसव माले
३४. चाउ रो-र
३५. पाँई डारङ्के
३६. छोक़रा माताद
३७. गलाडत सुरो
३८. आभो नडस
३९. कर्गलज्य मीलड
४०. स्वील-र खिम्सिज्य
४१. सहिद-र यामड
४२. बहादुर ताकिन
४३. से:र-र कता जेजै
४४. पाप ज़ ताय
४५. मितिव स्वील-र
४६. छोक़रा खिमो परी
४७. मौकाक रन्जेर
४८. डाम्दुके
४९. आव चोला
५०. यमल
५१. मिँ
५२. दुख
५३. हक-र निउ परी
५४. गुर सेव सिंस
५५. मिँय ग्वाला मिँ
५६. मातान्यलाए कातन्य
५७. पार डायान्य
५८. रङ्गसिज्य पारल
५९. मडय भाहान
६०. मड-र

ओर्गेय युड्ला गलाड-र

ओर्गेय युड्ला गलाड-र फ्याव् ची परी ।
दुली जैद समाजडाय ख्याव् ची परी ।

चुसिद अरुलाए पोकसे जैन्यरलाए,
जैयो मायोद पाँइनी ज च्याव् ची परी ।

अखार खिर नैन्य माड्क फेरि परिया,
बार ताया डाल डदा ज स्याव् ची परी ।

सिद सनो चिद अबानी नोय जरा-र,
परिके भने अरुवा-र क्याव् ची परी ।

मोसिद लिया नाड्खार नाम सन भिमल,
आल होल कताल लिज्य ज्याव् ची परी ।

मिँलाए पिन्य मौका रड्दर सेल खड-र,
चनाखो ताद चारकोना न्याव् ची परी ।

२०६८/०६/१०

मालागिरी रोल्या



सिउ मिँ ची डा

नमिलडल जिउँदा ज़ सिउ मिँ ची डा ।
साचो कागतमाती क्य-क्य चिउ मिँ ची डा ।

ख्यान्य ज़ लिज़्य डामोरोलाए खादरल,
युड याज़ फुत्फुतु कतर पिउ मिँ ची डा ।

अयँन ज़ माले नडकु लागि आभो के,
बिना ज़्य बितुरुडसेव फिउ मिँ ची डा ।

युड गरज़्य पिःलय भै-र बगिज़्यर,
माँः ताद बलेम-बलेम निउ मिँ ची डा ।

थैँन्य नम्ले ननाँ सुइँद चुसिव मिँय,
बिरहए गरद बनै किउ मिँ ची डा ।

कता ज़ माजैक्युव मिँ 'अवतार ताद,
पाँईरानी याजिडत रहिउ मिँ ची डा ।

२०६८/०६/०६
मालागिरी रोल्पा



होक ज़ मिँ ता

पार संसार ज़ छप्सिज्य होक्कु होक ज़ मिँ ता ।
लाखौ भङ्गार-र गाप्सिज्य होक्कु होक ज़ मिँ ता ।

मीलड लोभी युड ज़ पापी हैलेर साचो ज़ सै,
मिँय तारा खुब आप्सिज्य होक्कु होक ज़ मिँ ता ।

तसुरो यम्ल ज़ वाकिन ता गोड पुलुसी दी,
स्वील तर्त स्वील लाप्सिज्य होक्कु होक ज़ मिँ ता ।

क्याय दि जीवनय नो भल्ला-र कच्चा अताकिन,
खाँभात तन्तन काप्सिज्य होक्कु होक ज़ मिँ ता ।

जति चोइनी नमदा बोकोरोप सनो ते माती,
आखिर नामल वाप्सिज्य होक्कु होक ज़ मिँ ता ।

२०६८/०७/३०

पुरानो बसपार्क दाड

प्यारो

गोडदे पुलुन्य मिंरलाए यम प्यारो ।
थाकिद अहुर्नी नोरलाए तम प्यारो ।

माया ताय ज जोस मिंय युड मिलिय,
देसलु देस भक्तीरलाए गम प्यारो ।

दुखल जोए गैयु होज मिंय भग्वान,
बर्खामास भै तरिन्यालाए छम प्यारो ।

जो उस्तु पाल अमालेक मडगो तान्य,
चैत बैसाखलु खरेलील नम प्यारो ।

सुख दुखके पाईस ज चसिद हुन्य,
काड जैन्य गरिबरलाए जम प्यारो ।

२०६८/१०/०४

मालागिरी रोल्पा



जेदोजे सै जेमादोजे

साचो कता तारो आपगेनो जेदोजे सै जेमादोजे ।
याए याज किन्त्य छापगेनो जेदोजे सै जेमादोजे ।

वाँइदे बानाजेउ अस्तित्व-र सनो पहिचान-र,
खिताउ मालेव सापगेनो जेदोजे सै जेमादोजे ।

संस्कृति-र हिताव ज छुतो जातिय उमीं तानादे,
गेमीं संस्कृतिदा लापगेनो जेदोजे सै जेमादोजे ।

मानसिड खड्का क्षेत्री सै मगर नेधारल लिजे,
सत्य प्रमान-र भापगेनो जेदोजे सै जेमादोजे ।

अमरसिड थापा भक्ती थापा क्षेत्री ताव लिजेर,
हो नो-र कतार चापगेनो जेदोजे सै जेमादोजे ।

जडजिरल फसैर लखन थापालै दुस्तराए,
नो सेव माहाला गापगेनो जेदोजे सै जेमादोजे ।

ए मगरय सेःर-र जेरड्जे सै जेमारड्जे पाँई,
पोक याज चुड्ने तापगेनो जेदोजे सै जेमादोजे ।

२०६८/११/१५ (मगर दिवस)

मालागिरी रोल्या



यम मेन्य माड्क

एकसब्दे डादा बाव परी छेन्य माड्क ची ।
आदा होदा अलम्लिद यम मेन्य माड्क ची ।

आँत दाव परी तसुरो यमल बाद मिँ,
सफल तासी आसाय चिड फेन्य माड्क ची ।

बाकिन बावकु बाव तासी ज़ डादा-डादा,
नेबोलो युड जैद जिडदा नेन्य माड्क ची ।

हारिसी ज्याडसी जिन्दगीय यमल खा-खा,
तखेप हारिद ज्याडसी युड केन्य माड्क ची ।

गोडत पुलुन्य साहासए भ्याल्द तातिदे,
बाक अधमर्क ज़ थाकिद खेन्य माड्क ची ।

हकिन याज लछेय सगरमाथा क्यसी,
रोत क्यसिवए मड्द फेरी तेन्य माड्क ची ।

२०६८/०९/०९
पुरानो बसपार्क दाड



मिँय मड-र

खर्क ज़ मादुमन्य सन्या मिँय मड-र ।
भन्ज युड मारेङ्ग्या घन्या मिँय मड-र ।

मीलड चिम जैद रङ्गसिय होक ज़ ताय,
मालेव बरेसेव खन्या मिँय मड-र ।

जो तानी डामीं हैले मीलडए अरोडो,
पाँई लेव मालेव कन्या मिँय मड-र ।


नकुईत ताय न रिःमाती साःद बाय,
ग्यो-ग्योवय देडल मन्या मिँय मड-र ।

कित दुमन्या कागतत कित कल्पनाल,
बिँउताल ताद माजन्या मिँय मड-र ।

तचोप गभोम्क लेद युडय घुर-र,
आधाके माता बह थन्या मिँय मड-र ।

२०६८/१०/०२

मालागिरी रोल्पा



मुन्दुले सान्दा-र

मुन्दुले सान्दा-र रप्सिजेर आव देसल ।
ग्योव डै निन्सिदे खप्सिजेर आव देसल ।

यारड याज हुलो पान्जेर जुर्ला धल्कैद,
यायाज ग्योव मिँ डप्सिजेर आव देसल ।

सुकिन् सुची कम पोक पाँई ज ग्यो-ग्योव,
खर्निसिन्य धारा जप्सिजेर आव देसल ।

याकुइत गजा क्योद नङ्गरा सम्भिसिद,
उल्तापाल्ता बनै तप्सिजेर आव देसल ।

खड-र सेल्सिन्य नेम्द बनै बनै तेल्लिन्य,
आदा होदा कुड लप्सिजेर आव देसल ।

हातिय नेम्ने सनो सतैन्य हाः सेव ताद,
स्वार्थी भ्यालो रिःर गप्सिजेर आव देसल ।

दन्सार ज दैजेर कोई-र गुङ्नी तुङ्ने,
दैव-र धनए सप्सिजे र आव देसल ।

२०६९/०५/१२

मालागिरी रोल्पा



युः तेव सेव

नड-लाए माया धाद चिड फेव सेव तासिके ।
अमेलचेनी सिडताय युः तेव सेव तासिके ।

मायाय पलाउ-र अपलिजेउ ज नम्दा-नम्दा,
मुत्काय अजरा वैद तोम केव सेव तासिके ।

जोतानी सहिन्य साःमिन सनो आसा-र यालेव,
तर निरासल खल चोद खेव सेव तासिके ।

डास खर्कज मारासिन्य मिँ छाडसिद नबाक,
चुमचुमोल साड रडदे छेव सेव तासिके ।

नबाक आछिम नड धोकाय गुर सगुरद,
बाजाए अरफोड-र अरसेव सेव तासिके ।

२०६९/०८/०९

मालागिरी रोल्या

पैसा चाहिके

अरु मिँराय यामीं स्योद ताय सै पैसा चाहिके ।
सिव्र मिँ कराडल ज्योद ताय सै पैसा चाहिके ।

जो जैद ताय सु-सुय कुलोल रिः जाउ परिन्य,
स्वार्थी यम तन क्योद ताय सै पैसा चाहिके ।

मिँय मिँ जैव परिन्य जो ताय रैव परिन्य,
जुथो आस्वासन-र व्योद ताय सै पैसा चाहिके ।

मौका याज दैव परिन्य गुडनी तुडद वाल्ने,
संसारल पाँईनी ग्योद ताय सै पैसा चाहिके ।

पैसाए ज पार दैसिन्य माले भने कता माले,
हुर्य हुर्या गपए ख्योद ताय सै पैसा चाहिके ।

२०६९/०५/१३
मालागिरी रोत्या



माहारिय सत्य

जुथ साचो कताड ताय देउता छुद मिँलाए ।
माहारिय ज़ सत्य चुमचुमोल रुद मिँलाए ।

बाध्यताय संसारल यम सुया बिचार फुया,
माखेम ज़ मानुवा सेन्जुरी सेव जुद मिँलाए ।

ग्योवके सन्तुस्ती युड मावाडय जति दैनी,
खर्क ची दुमख्यो अरुराय यामी कुद मिँलाए ।

ससम्याँ पाडय माँ: पाडए समयय माँ:समयए,
अलागिव पाना दाग मामितिय तुद मिँलाए ।

सि:सी गरदकिद माताय काल अहुव पाना,
सिसिवपाना माजन्सी लाक री:ल गुद मिँलाए ।

२०६९/१०/२२
मालागिरी रोल्पा

पार वाँइनाज्य

गेमीं पाड धर्म संस्कृति तोसिद वाँइनाज्य ।
छुतो र यामीं संस्कारस फोसिद वाँइनाज्य ।

तडदा किल्क किल्क अरुलाए जिल्क जिल्क,
गेजाति ज अजरानी बोसिद वाँइनाज्य ।

पुर्खाराय यासे सेल्सिके यापाडक गेखाम,
यलो-र पाल रारा रुरु रोसिद वाँइनाज्य ।

थान मन्दिर ताके धर्म पाल छुतो हुक्के,
कर्कापलु कुची डैत घोसिद वाँइनाज्य ।

गेजातिस गेलाए ज बनै सर्म तान्य दि,
साचोज गेस गे-गेज सोसिद वाँइनाज्य ।

गेरेडुज्य गेलाए गेज मेद अरुरास,
आभो गेमीं पार अस्तु कोसिद वाँइनाज्य ।

गेसिके अरुय ज्युडनी मासिद गेज्युडनी,
खेमो अमेत मिं-मिं ज चोसिद वाँइनाज्य ।

२०७१/०२/०८

घोराबाड रोल्या



मिँ-र रङ्सिके

कोई यामीं चिम जैद कुन्य मिँ-र पाल रङ्सिके ।
याछेसैए लग-लग गुन्य मिँ-र पाल रङ्सिके ।

याताजेउज अले किसिम किसिमला मिँ-र,
यारिसै याज बनै फुन्य मिँ-र पाल रङ्सिके ।

अरु-लाए कताज जैयो मायोन्य यामीं ज तान्य,
खिसाहा मीलड भन तुन्य मिँ-र पाल रङ्सिके ।

पाडत लेव मालेव दुतैद जुथो साचो जैन्य,
किर्या ज्याद देउपितर छुन्य मिँ-र पाल रङ्सिके ।

जालजेल जैर बनै-बनै अरु-लाए फसैर,
माहालास चिरुङ्गाल रुन्य मिँ-र पाल रङ्सिके ।

खसरा तार घाम-र चेतैर अजिन्नी जिडोल,
यँन अलेक सेन्जुरी जुन्य मिँ-र पाल रङ्सिके ।

खैव आव मिँय जात ता बुजिव ज मादुसिन्य,
मिँ बगैन्य कुन्द मिँय थुन्य मिँ-र पाल रङ्सिके ।

२०७१/०२/१६

मालागिरी रोल्या



गरिब मिँए

ज्याउ माले करेस तुर्दे लेसी ।
बेदना-र खादरा गुर्दे लेसी ।

खसराय असुल्क सास्तरसेव,
जिडोल लग-लग कुर्दे लेसी ।

चिरुङ्गाल खोर्सिव सेव चोला,
नम ता बाजारास बुर्दे लेसी ।

छाडसी सै माछाडसी सुचिक,
बाध्यताता चिडय सुर्दे लेसी ।

गरिब मिँए कता ची जैसिके,
युड ज्युडल स्वादै हुर्दे लेसी ।

२०७०/०२/३१
मालागिरी रोल्पा



ग्यामो भि-र

राव-राव ग्यामो भि-र बासी तादुकेर ।
खड कुई सतेलन्य गासी तादुकेर ।

जो-लाए बिस्वास-र धाद आँत यासिके,
हो-र यास्वार्थ भ्यालन्य याफासी तादुकेर ।

कसिव पाँखुरा भन ग्योव साःमिन,
ह्योरका ह्योर बिलैव मासी तादुकेर ।

जोस लेव जाँगर लेव लेव उत्साह,
आसा-र निरासाल उदासी तादुकेर ।

जेडो नो मानय गोड धलिद-धलिद,
काँसो बासोस आछिम खासी तादुकेर ।

२०६९/१२/०७
लिबाड रोत्या

जति च्याडसिनी

जति च्याडसिनी तछ्छा चुसिव ज़ परिय ।
बाध्यताय च्युरुड्गाल रुसिव ज़ परिय ।

समजज लिज्य अपरिक खड सेलन्य,
फाला भुड्स गोहाक गुसिव ज़ परिय ।

डलो लिज्यर कोई मिँ-र यानाँल थी जादे,
नो नाँतिनी मन-मन जुसिव ज़ परिय ।

गुड-गुडडाम तुडदे ज़्याउ पान्जेर,
चोर तर्त चकार तादे कुसिव ज़ परिय ।

लातो सोभा मिँ-लाए सैदे से:र ताज्यर,
बिजेती खोरच्चोए ने तुसिव ज़ परिय ।

गराचोके सेन्तैज संसार तोन्य यमल,
जो तानी आछिमकाम थुसिव ज़ परिय ।

२०७०/०४/३०

मालागिरी रोल्पा



सन्ने मिँय अरो

समाजल सॅन्तै सन्ने मिँ पाल ताव परिय ।
सन्ने मिँय अरो बन्ने मिँ पाल ताव परिय ।

सन्ने सन् बन्ने मिँ मान्तरा तादे कदि ज़ माता,
होय ज़्युडलाम रन्ने मिँ पाल ताव परिय ।

जाजा-जुजू तासि ज़ मासन्सि व यमल नान्य,
धसा ज़ यम-र तन्ने मिँ पाल ताव परिय ।

जोए खड सेलो होए कदि सिङ्का ज़ माकेव,
सेल्ले थिन्दे नम धन्ने मिँ पाल ताव परिय ।

कोई रोडाम कोई मेडाम तासी समाजल,
बिपे रो-र किल्दे मन्ने मिँ पाल ताव परिय ।

२०७०/०७/२९
मालागिरी रोल्पा

युज्याउ गेभिम

युज्याउ गेभिम दुरी जिवन्य ची आभो ।
कताक लिज्य अकुड रिबन्य ची आभो ।

बैव-लाए तोव परी गैवलाए चोव,
अर्येन मालेवलाए हिवन्य ची आभो ।

स्याकासिक जैव परी कास दुँस ख्याद,
सघार नो-र ज पार सिबन्य ची आभो ।

जैकिन ताय माजैकिन कता ज माता,
अछयो कोना-र मानैद निबन्य ची आभो ।

कराउ जैन्य छुतोलाए दो या:द ग्योव,
सु-सु ज्युडनी मिँ-मिँ ज दिबन्य ची आभो ।

२०७१/०६/१५
लिवाड रोल्पा



डप्सिसिज्य

नो निस्तुरी-लाए थुलत थुल-थुल डप्सिसिज्य ।
यसो सम्भिसिज्य युड सैद तुल-तुल डप्सिसिज्य ।

गोड-गोड खर्निसिन्यसेव ची तासिज्य रिस-र चोदे,
तादुकिनके भलायो तादे दुल-दुल डप्सिसिज्य ।

कराउ अइतान्य युड ज अकेव पाना मिँ-लाए,
थाराल पलाडो क्वास लोत रूल-रूल डप्सिसिज्य ।

अमासिनी सिवसेव ज तादुके भो नो डाजुडनी,
हैजैद बिपे नड्गारा तप्दे नुल-नुल डप्सिसिज्य ।

एखोरे तोभोनासेव मातान्य माया मोह-र पाल,
डाडु मायाय हिसाब धान्य खुल-खुल डप्सिसिज्य ।

२०७०/०८/१६

मालागिरी रोल्या



मादुसिन्य

गरज्य युड पिःलए हुरो मादुसिन्य ।
वेदना-र गाँथा जैद सुरो मादुसिन्य ।

पीरव्यथा लिज्य म्हेंमाती चाडदे युडल,
घादे-घादे पीडा भन गुरो मादुसिन्य ।

सुय रड्यु युड ज्युडल हुर्युउ माँः,
असोनी कुई तुडदे पुरो मादुसिन्य ।

नेलाकु चोला वाचियासम दुख लिज्य,
सुख दैन्य करे फुस तुरो मादुसिन्य ।

सुचिसिज्यज पाँई रो-र मेद बान्यता,
कैलिन्य नामनी नम भुरो मादुसिन्य ।

२०६६/०७/३
घोराही दाड



रङ्सिज्य मड सै

लागिज्य डास जिन्दगी कातिन्य नड सै ।
तछा ताद बान्य आव रङ्सिज्य मड सै ।

रङ्सिव मादैसी सर्सिव याज दैसी दि,
अल्मल यमल सारैसिज्यउ खड सै ।

नड-लाए याज सम्भिन्य डाताव कराउ,
इताव माया लागिन्य नमाया चड सै ।

भगवान ताकिन पका ची बर याङ्खो,
आ: नभक्त डाताव पाल नमरड सै ।

डाबितैज्य समय-र पाल कल्पनाल,
सुचिउ गल मातान्य जिन्दगी बड सै ।

२०६६/०५/२५
रमना दाड

कता ज़ मारड्र

कता ज़ मारड्र बाज़ा माती तरेनेर ।
याकुलल री जाद यायाय चरेनेर ।

या-लाए अदुम्कनी पाँईलाए दुमय,
अरुय फ़ु कता दा चबनै करेनेर ।

रोत याकेव पाना मिँसकु मिँ-र पाल,
यानाँ माथैँ या मी मारिड मिँ सरेनेर ।

या-लाए हुरो संसारलाए ज़ हुर्य दी,
कता माड्क हुरो अरुलाए फरेनेर ।

छुतोय उमी चिलो पैर ते-तेके भैर,
मोद नैर अरु मिँय अमीं परेनेर ।

खै कता याडप्सिज्यउ नो-र यालाए ज़,
अरु चिल-चिल पुल-पुल बरेनेर ।

२०६८/०२/२०

मालागिरी रोल्या



मिँरलाए

या-लाए बनै चोखो जैन्य हुरन्य मिँरलाए ।
कैला मैला कतला पार पुरन्य मिँरलाए ।

कैची दान्यकर मिँय या ची हर्य पाङ्क-पाङ्क,
अर्ती योक गाली थैँद रिस गुरन्य मिँरलाए ।

यापाडो सनो यारोडो याज सत्य र्रो ताय दी,
अरुय करेव माङ्क ज्याद तुरन्य मिँरलाए ।

तेके ज्हो ताके माताके बोर-बोर फुरलैद,
बिना करज बाजा माती बुरन्य मिँरलाए ।

अरुय उमीं चिलो पैँर यामींता मोद नैर,
छुतोय उमीं याखोन्तात सुरन्य मिँरलाए ।

यैँन बेलाक मोसिद अरुक साकित्तर ताद,
यादैव मौकाक नारिद मुरन्य मिँरलाए ।

२०६८/०६/११

मालागिरी रोल्पा



अरु-र स्यानाउँ

अरु-र स्यानाउँ येँन बेलाक मोसिन्य सै कता ।
एखोरे ज़ मौका-र क्योन्य मिँनी भोसिन्य सै कता ।

कुई जाज़ माजाद ज़्याउ पैँ-र कोई-कोई मिँ-र,
मिँ पाल नो सेव धार्नी तुलात फोसिन्य सै कता ।

मिँय पोल होरलाए हो-र यापोल मिँ चुडद,
तखेप खितानाउँ अताज्यउ तोसिन्य सै कता ।

दान्य मिँलाए पाल दाउ मायोर जिडनी सेल्द,
जिडदा रहिद याखड सेल्द रोसिन्य सै कता ।

अरु बेला सेतेर सोरो अपरिक यामीं पोरो,
जैन्य मानुवारास म्हेंसुनए चोसिन्य सै कता ।

स्वार्थल डा-र सतैन्य अरुक जिडदा हतैन्य,
नितानाउ मिँरास चर-चर कोसिन्य सै कता ।

अयेँन ज़ माले निताउ मिँय बाचिद पाल,
नामय अगुर याज़ खादर गोसिन्य सै कता ।

२०६८/०६/१२

मालागिरी रोल्या



नेपालल

जनताराय आसाय भ्रन चिके नेपालल ।
संविधान पाल गाभल ज सिके नेपालल ।

देसय मर्म सुय बुभिन्य धोका ची योज्यार,
सस्तो ताके सहिदराय याभिके नेपालल ।

नेपाली-राय हकय ज्युडनी सिउ पैन्य नेता,
आछिम स्वार्थल चुसिद माकिके नेपालल ।

आँधीवेहरी व्यर्थ ताके जन आन्दोलनय,
अमेल्वेनी बिना ज्याउ ज फिके नेपालल ।

एखोरे चुमचुमो ज तान्य ताके आव देस,
उज्यालोय छकाले माख्यादे रीके नेपालल ।

हे बुद्ध कता नरडजे इताउ हाल अताक,
सान्ती रैन्य वास-र यारथिके नेपालल ।

२०६९/०२/१५ गणतन्त्र दिवस

मालागिरी रोल्या



चोला कागत

मिंय चोला कागत ची जो तानी सर्सी पाल ।
गारील गाप्सिव रिःची नो स्यो-स्यो थर्सी पाल ।

री सनो लाक हुय समयस अचलिक,
कैलेक रेड्द साःसिय कैलेक घर्सी पाल ।

थेगान माले सिन्यय आछिम सै पराती,
हेर्सी समयस समयस ज खर्सी पाल ।

जिन्दगीय रड्ग रड्गैन्य छा-र हुव दुव,
सड्घर्सल ज खतिकिन भाग्य मर्सी पाल ।

सफल तासी आंत धाद खड-र सारैकिन,
साचो कुई माजाकिन पोक ज छर्सी पाल ।

२०६९/०५/१२
मालागिरी रोल्या



डल्ल्य मिँ-र

ए मासेडद लाक रील डल्ल्य मिँ-र ।
मोसिद अरुरलाए चल्ल्य मिँ-र ।

जे खा-खा जेदोज्या खा-खा जैज्या भो,
मादोन्यलाए निखलै थल्ल्य मिँ-र ।

चारकोना जेरड्ज्या सै जेमारड्ज्या,
गलडद समय-र पल्ल्य मिँ-र ।

अइज पलासिया माहाला जाल,
पापी युडलु चिड-र खल्ल्य मिँ-र ।

सोच्चोके पाँई-पाँई खड दुडनी,
जड थाडद संसार गल्ल्य मिँ-र ।

२०६०/०७/०७
मालागिरी रोल्या

नमदा बाद

नमदा बाद तोलन्य माङ्क ।
तोल्नी जिडदा वोलन्य माङ्क ।

वान्य ज सु-सुय खडत मिँ,
हाई स्यानाउँ गोलन्य माङ्क ।

तसुरो ताव परी ज मिँ ता,
मिँस जासुड रोलन्य माङ्क ।

करौ की मिँलै सेन्तै माताय,
हैजैद नुल धोलन्य माङ्क ।

बरु रोडो ची परी पारदा,
अतुम्नी खड चोलन्य माङ्क ।

२०७१/०६/११

लिबाड रोल्पा



तागरन आमै

माचाउ मड-र मडदे तागरन आमै ।
आसाय धुर-र थडदे तागरन आमै ।

चेलीरास नअस्मिता बनै लुतिसिज्या,
बेहाल नस्थिती रडदे तागरन आमै ।

नडैत थिडदेद नइज्यात ख्यादेनज्यार,
साचो ममता-र खडदे तागरन आमै ।

तित्याभाइ ज्युडल सैसिज्यार पल्सिज्यार,
बिरिव नजा-र लडदे तागरन आमै ।

निताउ लिजेर नसन्तति-र भिःय भैल,
हिंसाय नयत कडदे तागरन आमै ।

नपिलसिन्य नमड सदुम्ने लिया नजा,
नैती बेदनाए दडदे तागरन आमै ।

२

०६९/१०/२२
मालागिरी रोल्पा

फेरी हुय सै

फेरी तित्या भाइ-र रोसिन्य समय हुय सै ।
थोकने फाला धाद चोसिन्य समय हुय सै ।

तोभो तुडता खार पाल पुर्ब पछिउँ तादे,
आनी हुनी पाँईनी कोसिन्य समय हुय सै ।

कोई खडनी कोई डैनी कोई कुईनी सेल्द,
मिँ-लाए सैन्य मिँ ज़ बोसिन्य समय हुय सै ।

नाँछोड मीज़्वाड भि़म-र रा:द ज्याडला बास,
मिँ-र रडदे मिँ ज़ मोसिन्य समय हुय सै ।

कोई खोरच्वो कोई भुइ सुकिनी सु ची कम,
सयसिद पल्लिसद फोसिन्य समय हुय सै ।

सड्का लिज़्य अभ्क सड्कतय ला री-र बोल्ने,
सुय खादर सु-सु घोसिन्य समय हुय सै ।

२०६९/१०/२२

मालागिरी रोल्या



रङ्क इतिहास

डारङ्क इतिहास लेन्दा जैसिव लिज्य ।
असु-र पार सेल्द भेन्दा जैसिव लिज्य ।

सु अलेव कतरना लाइँन्य ज्युडल,
माले कता ज घेन्दा-घेन्दा जैसिव लिज्य ।

कराउ यामेतैव कोना भार्ना मानैद,
जामा-जामा लेव-र पेन्दा जैसिव लिज्य ।

छामरा कोलानी री ता इची पुलुय,
खै ततेप नेतेप खेन्दा जैसिव लिज्य ।

कताड दैसी नो दैसी सै मादैसी साब्द,
सवाँइद नो हेन्दा-मेन्दा जैसिव लिज्य ।

२०७१/०६/११
लिबाड रोत्या



गुनासो माले

डाफोसिज्य नडस गुनासो माले ।
डारोसिज्य मडस गुनासो माले ।

थक्कर सनो चक्कर लागिंसिय,
डामोसिज्य जडस गुनासो माले ।

घुर ताया जुर ताया जिन्दगी ज,
डाबोसिज्य दडस गुनासो माले ।

वोल्सिया बानाक तोल्सिया नानाक,
डाजोसिज्य खडस गुनासो माले ।

सु-लाए कता दोसज डामायो डा,
डाचोसिज्य रडस गुनासो माले ।

नकुई नयाड नमायाड सैयो,
डागोसिज्य बडस गुनासो माले ।

२०७०/०४/३२

मालागिरी रोल्या



वल्सिव माले

वासिज्य डादा-डादा तखेप वल्सिव माले ।
यम्क नासिद समय-र पल्सिव माले ।

तसुरो ज ताद नःजोसिज्य न नासिसिज्य,
समयए दडल अपोक घल्सिव माले ।

भै-र बुकि-र गाब्द पुलिसिज्य खागर-र,
थाकिद मिंय मिं-लाए बनै थल्सिव माले ।

यम तरदा यम दुड्दा याहुतैक मनि,
मिंय यम-र राःद कतास चल्सिव माले ।

मागिलो मागराडो मिंलाए सेलोयापैक,
पापी युडला नो माहाला-र खल्सिव माले ।

२०७०/०३/१४
मालागिरी रोल्पा

चाउ र्रो-र

चाउ-चाउ र्रो-र युडल सिम्दे हुच्चोके ।
माचाउ र्रो-र बुभराल गिम्दे हुच्चोके ।

बाँजो ताके यड-र पसेँउ अइ ज बाके,
जो-जो ताया आव देसल भिम्दे हुच्चोके ।

दैसिव दुःख ताव परी सुखय यम,
री छो ससैन्य खोइघार छिम्दे हुच्चोके ।

ख्याव ची परी मिँ बाइँन्य बार ताँइदे,
थोर ताद सगैन्य भार्ना रिम्दे हुच्चोके ।

अङ्गेसेव च्याँसिदे मादैसी युडला र्रो,
हो ज्युडनी अधिकार-र खिम्दे हुच्चोके ।

२०७०/०२/३१
मालागिरी रोल्पा



पाँई डारड्के

चोर पाल डारड्के साबी पाल डारड्के ।
सान्चा बिना फैसिन्य चाबी पाल डारड्के ।

भाग्यत माचाउ मिती ज़ मामितिन्य,
नो खोतै-खोत सन्या भाबी पाल डारड्के ।

यासिव नासा अधमर्क ज़ सवाँइन्य,
अबाड फुस्लु ग्वाव जाबी पाल डारड्के ।

कतालाए ची लाइँन्य दोस सनो पाते,
खोइल छल दान्य दाबी पाल डारड्के ।

चारकोनादा न्याद रोडो ज़ मादुसिन्य,
दुस्तराय चबनै हाबी पाल डारड्के ।

२०६९/११/०९
घोराबाड रोल्पा

छोकरा माताद

छोकरा माताद नाकन-र पुल ताव दू ।
घागरी सनो पोल ज़ खड सुल ताव दू ।

बलेव दू नो स्यवरे ब्यवरे-र पसिदे,
हो याज मातादे लिस ओन्य कुल ताव दू ।

त्वाड त्वाड स्वीरो दुया बतास मापसिदे,
मारडसिन्य लादुत कप्ती मुल ताव दू ।

निडघार माताया खोइघा सिल्द जादे,
ज्या-रलाए सक माजैसिव भुल ताव दू ।

मद अजमान ज़ माहुन्य भाहान खड्दे,
मोयम ख्यान्य अमाताकिन नुल ताव दू ।

२०७०/०८/१६
मालागिरी रोल्पा

गलाडत सुरो

जिन्दगी-लाए मापलान्य गलाडत सुरो दुसी ।
दुनी-मादुनी देड्ल नो गलाड-लाए गुरो दुसी ।

मिंस कता ज मानैदे पाँई-पाँई उस्तु-र ख्यादे,
कतला सन् गुरुल-र चक्कक जैद हुरो दुसी ।

जिडदा मारहिंसी ज अग्युनी समयय गुर-र,
युडलु रो दैन्य करेस उपासिद तुरो दुसी ।

कुजासिय बरु युड्ए अचेतैव यमल बान्य,
तर मारासिय बाजा ताद नमत भुरो दुसी ।

रुह सुसू ताया सुसिद लेक जीवनय खोरल,
सोया क्याड असोनी सिरड तुडद पुरो दुसी ।

२०७०/०९/१०

मालागिरी रोल्या

आभो नडस

आभो फेरी नडस साव रेडो डामादुय ।
सिन्य यमल नडलाए केडो डामादुय ।

कराउ लेक ता नडकिनी डादा डाबाज्य,
हैजैद ज नकुइतिनी चेडो डामादुय ।

बाँचिन्यय याज अविस्स्यलेय संसारल,
सिन्य डाताके खर्कज जेडो डामादुय ।

नत डादुय नडलाए डादा परिडन्य,
जो ताके आव जुनीलाए छेडो डामादुय ।

दुखिके लेसिजे ज जुर जाद युड तर्त,
नो बाध्यताय अज्युडल येडो डामादुय ।

२०७०/०७/१०

घोप्तेपुप रोल्या



कर्मलज्य मीलड

कर्मलज्य मीलड रड्क खाः माले ।
अइया हैलेद किन्यका गाः माले ।

मासीस पाँसुला-र कैयो पैँसिज्य,
अस्वाद सैद खलिङ्ग्य हाः माले ।

ग्योव्र डै ज रडज्यायू युडए ता,
अइज दैनी पाल गुर्दन्य साः माले ।

माले पुर्न्य सिरड गुतिन्य रड,
अलगस तैद सेलन्य जाः माले ।

कैजैद दैसिय युडए असाभो,
कताल कता मिँलाए ज थाः माले ।

२०६९/१२/०७

मालागिरी रोल्या

स्वील-र खिम्सिज्य

इतिहासला मितिव स्वील-र खिम्सिज्य ।
हो सेल्दे ख्यासिव सेता त्वील-र खिम्सिज्य ।

दैसी सै मादैसी तोभो-तोभो जैद ओय,
कर्कापए बगैसिव प्वील-र खिम्सिज्य ।

गेनिन्सिसिके पार ज कोलोडगा जैद,
निन्द थिन्सिव नो ग्वील-र खिम्सिज्य ।

न लिज्य गेस गेधर्म न लिज्य गोपाड,
छाडसिव तदेड्कालु क्वील-र खिम्सिज्य ।

खै कताड अलिजेउ गेरै सन् कोई-र,
माद वाँइवो असुस ख्वील-र खिम्सिज्य ।

२०११/०२/०८
घोरावाड रोल्पा

सहिद-र यामड

देसय ज्युडनी खाल्का सहिद ताकेर ।
ताकेर नौ-र यास्वादै वाँइद बाकेर ।

मातोसिके देसय अडा भि यावगैनी,
याबाव स्वीलरास बगिव भि साकेर ।

का: सिके सै यु: सिके सिके रुइजाआम्जा,
ओय ज़ मालेव अधमरल माकेर ।

सहिद-र वासिज्यर अड्स बन्दा सेव,
यावान्य यम बान्य पाल आभो राकेर ।

सुय ची पुरा जैयु स्वार्थी याताक पाँई,
सहिद-र ग्योव यामड चाडदे गाकेर ।

२०६९/०८/१२
मालागिरी रोल्पा

बहादुर ताकिन

बहादुर ताकिन छ्या माले ।
ला पर निम सनो ज्या माले ।

हाडबाड कजन भै जो ता,
आँत धाकिन समस्या माले ।

नाँछोड मीज्वाड गताज्यक,
तसुरो यम नाल क्या माले ।

हुरया क्याड माहुर युड,
अलास चिन्य युड ख्या माले ।

चाउ माचाउ युडल नैयू,
पाँई ज दुब्द ख्यान्य च्या माले ।

२०७०/०३/०२
मालागिरी रोल्पा



से:र-र कता जेजै

हारिद पाल जेइन्त्य से:र-र कता जेजै ।
जेस्वार्थ याज छेइन्त्य से:र-र कता जेजै ।

दुखी गरिबरलाए बनै सैदे पल्दे,
याराम रइद रेइन्त्य से:र-र कता जेजै ।

खै जेरोडो पाँईलाए अन्याय पोदे,
न्याय जेलेव्दा चेइन्त्य से:र-र कता जेजै ।

सुखके मायाचुयू ज सैच्वो पक्का सैच्वो,
निर्दोस भिल सेइन्त्य से:र-र कता जेजै ।

माचाउ स्हेर तासिव पातक जेलागि,
अभ जुग-र केइन्त्य से:र-र कता जेजै ।

२०६९/०९/११
मालागिरी रोल्या

पाप ज़ ताय

जो मिँय पाप दोयु होलाए फलिफाप ज़ ताय ।
खै मिँलाए ता धर्म-र धाद पाल पाप ज़ ताय ।

धर्म कर्म पाँई ज़ वाँइके मिँय अस्तित्व पाल,
मिँय तर्त छुतोराय यामीं लापकु लाप ज़ ताय ।

पसँउए ओय माताय किज्याडला री-र मङ्गो,
दुख धासिउ साःमिन खासो तुल नाप ज़ ताय ।

कोई-र कुद अरुरलाए सैद साहुँ याताक,
कोई-कोईय मासी सबिलैन्य कर्काप ज़ ताय ।

बिचारीलाए धर्म माताय बैरागीलाए कर्म,
जति चाउ येँन दानी मिँ-लाए सराप ज़ ताय ।

अभ्र मिँ-र नमत बार बनै ग्योव-ग्योव तार,
मिँय डै सिदे नम्दा बान्यराए यागाप ज़ ताय ।

२०६९/०८/०६

मालागिरी रोल्पा



मितिव स्वील-र

इतिहासल मितिव स्वील-र साभ्ने ची आभो ।
जो सेनाउँ भङ्गार-र याहुनी गाभ्ने ची आभो ।

तथप तानी चान्य ची रोत पुलुन्य थपके,
डादा बदिन्य स्वील तर्त स्वील लाभ्ने ची आभो ।

कराउ जिङ्दा गे अरु-र डादा याबाक पाल,
तक्कर धाद बाजील तारा-र आभ्ने ची आभो ।

याकुई सारैज्यार यागुङ्नी वाल्द ज्यान्य-र,
लाङ्गे सिब्द पार ज दन्सार छाभ्ने ची आभो ।

लातै थिनो पैज्यार अक्क पाल गेडैत नो-र,
पिव सन्देसो जैद तनतन काभ्ने ची आभो ।

जालजेल दान्यरलाए खबरदारी धाद,
मापुलुन्य खाल्ताल पाँईलाए बाभ्ने ची आभो ।

२०६९/०५/१३

मालागिरी रोल्या



छोकरा खिमो परी

गम गारी सिल्दे ताय सै छोकरा खिमो ज़ परी ।
अरुय अनाँ किल्द तानी भोंकरा छिमो ज़ परी ।

खोइघा खोलेद ताय सै पुल-र हेरद ताय,
अमाभ्यालेसम स्वार्थय धोकरा सिमो ज़ परी ।

लिस वास पितर्स सनो साकासक जैन्य-लाए,
कैजैद ताय मिँलेवदा लोकरा रिमो ज़ परी ।

अभ्र भन चाउ मद अलेकिन भाहानतिन्ज,
मामिनके भने मुताल वोकरा गिमो ज़ परी ।

२०६९/०५/१२
मालागिरी रोल्पा

मौकाक रन्जेर

एखोरे जिडदा सेल्सनेर मौकाक रन्जेर ।
सिवसेव मिँ-र बारगुड नम्दा चोइद जन्जेर ।

यामीं गिड किव पान्जेउर यायमल बाजेउर,
गुडनी ज कुई तुडो यादैकिनी जो तानी वन्जेर ।

कैजैद यामीं जैन्य सनो कैजैद यालेवदा रैन्य,
बनै-बनै सुचिँदे नो-र स्वार्थला धागा-र वन्जेर ।

दैव याज परी हो-र अपोस अजरा अतुपास,
सु-लाए ज मायादे यामुत्कात याज मन्जेर ।

याम्हें चिकुप सिव-र फाफा फुफू खर्क माजैन्य,
अचाहिक चारकोनादा तडरैद यामीं तन्जेर ।

निताउ मानुवारलाए स्वार्थला ताज्य ज,
हैजैदके यासाखा सन्तान सभान्य बनै फन्जेर ।

२०६९/०५/०४

मालागिरी रोल्या



डाम्दुके

धोके बाजी मायालु-लाए सरेव डाम्दुके ।
अयुड खिताउ डादा ज परेव डाम्दुके ।

बुरसिव ज मायाय कर-र तडरैद,
ओलसेव निस्तुरी खड्ए तरेव डाम्दुके ।

बोलोडलिन्य बोलोडसिन्य ज्यासिउ किर्या,
मेद छुतोय अमायाल करेव डाम्दुके ।

जोसेव तादुके ताद खेम्दुके जिन्दगील,
दैसिनी मिंय मिं डप्सिद बरेव डाम्दुके ।

ओल्ज ज्याड्के धोकेबाजी जरेल डा हारिद,
खै डाके मायाय रान्थै-र चरेव डाम्दुके ।

२०६८/०६/२०
मालागिरी रोल्पा

आव चोला

पीर व्यथा मन्थैसिव गाँथा आव चोला ।
दुखै दुखय रलिव बाँथा आव चोला ।

कैलेक गोर सनो गिड ताद किसिय,
होर-होर चरेसिव राँता आव चोला ।

मुनोय पिःल ताद तेपए मीलडनी,
जिडोल कतर् जमिउ थाँता आव चोला ।

स्वोचौँयु पैसिज्य दुया-मादुया चबनै,
पाँईत ज माअदिव काता आव चोला ।

ओय खर्क मादैयु जति हँसिद मनि,
फाइदा काँड मालेव गाता आव चोला ।

२०६८/०२/१३
मालागिरी रोत्या

यमल

नेलाकु चोला आधि यमल ज़ गैसिक ।
क्याय क्योसिन्य मुर्ला सन् खार अदैसिक ।

कुयरोय खारल वाँइद बारिसिय,
लाडन्य आस-र युडल अनैसिक ।

बलपैरा हुव माती आत न होत तासी,
दुया-मादुया जुनीय यमल भैसिक ।

अबाथड ज़ बाय अकेनी अमाकेनी,
आधि मिरुस आधि डल्द असैसिक ।

हेला रडर लातै जार डै पाल पार,
तादा-तादा तार मिसकु मिँ-र दैसिक ।

२०६८/०३/१३
मालागिरी रोल्या

मिँ

पराती मछे हैलेद चुसिय मिँ ।
आछिमय चिरुङ्गाल रुसिय मिँ ।

खड सेल्दे अर्येँन आधाक तेल्दे,
एखोरे अपोक दह थुसिय मिँ ।

खसरा ताद थडसी जिङो मेद,
मौका अहुक सेन्जुरी जुसिय मिँ ।

अरुय अयम रड्यु अम्हेँ सैद,
मिँ-मिँ रडसिद मुता गुसिय मिँ ।

जोक ज़ परिय होक ची तरिय,
नोक खोच्चोँ रवा रैद तुसिय मिँ ।

२०७०/०९/११
घोरावाड रोल्पा

दुख

मिँलै राःदे दुख स्याड ताय खर्क ?
सास्ती वाज सुख च्याड ताय खर्क ?

तड्दा दौडय सुख रलिद दुख,
सुख ची क्याडय क्याड ताय खर्क ?

ज्यासिव जेउ पचैद ख्यासिव सेउ,
साचो दुखय कि ज्याड ताय खर्क ?

आसल कतर् पिद बासिया सिद,
नो सुखलु कुई ख्याड ताय खर्क ?

एखोरे तान्यु डैनी च्याँसिव दैनी,
हो खड दुडल गयाड ताय खर्क ?

मालागिरी रोल्पा



हक-र निउ परी

निड्द लाड्सीव गेमीं हक-र निउ ची परी ।
मायोकेर भने मगर गे किउ ची परी ।

निरुडकुसताय अबिरोध धान्य ज ची गे,
तछ्छा सिन्य ज अपरिकिनी सिउ ची परी ।

पलाडो घाम-र रैव परी री-र ख्याद,
सत्य सत्य असत्यय धजा चिउ ची परी ।

हुन्य तर्त बान्य ज जिड्दा रहिन्य माड्क ची,
सतुर्य उभि-र सेप-सेप पिउ ची परी ।

डातु सहिद अताव ज ची लखन थापा,
गे पाल देसय ज्युडनी मारहिउ ची परी ।

२०६७/०९/१२

मालागिरी रोल्या

गुर सेव सिस

जो सेव गुर हो सेव सिस स्याँसी पाल ।
म्हेंसुन सनो खोरच्वो रैद च्याँसी पाल ।

पाँईस ज मिलिसी समयस चलिसी,
युड्का रो तिसी पाल हाइदे ख्यासी पाल ।

नापिव परी पाँईलाए ज जरा तुपा,
अपरीनी पाखुरानी गुड्दे ज्यासी पाल ।

थुम्दे बाव परी पाँईस ज सम्बन्ध मिँ,
चन्नै माचाउ अताकिन् पत फ्यासी पाल ।

सुतरलाए पाल सम्मानस डैत जासी,
अमाताकिन खड्कुइ तोम क्यासी पाल ।

२०६७/०९/१३
मालागिरी रोल्या



मिँय ग्वाला मिँ

यम तःर यम दुड तानासिज्य खाः-खाः ।
गोलोडय गोलोडय बानासिज्य खाः-खाः ।

बासिज्य गुर्दे माभ्यालो आसालो भन,
आसाल कदि-कदि-र जानासिज्य खाः-खाः ।

लुभी मी सेन्तै रङ्ग्य हिताउ युड पाल,
लेव मालेव कर्दे ज मानासिज्य खाः-खाः ।

न भुर्न्य कर ले न रप्सिन्य रड मिँलो,
सिमो पान्क पा-पारस नानासिज्य खाः-खाः ।

इताउ अलेव मिँय चोला मासिया पैँ,
मिँय ग्वाला मिँ ज ताद छानासिज्य खाः-खाः ।

२०७१/०६/२३

लिबाड रोत्या

मातान्यलाए कातन्य

पसँउ येन्यँ जहाजत नभुर्जे नड ।
गाँथा जैद दुख-र वनै नसुर्जे नड ।

वोल्द हुन्य सै माहुन्य पका ज़ था माले,
कर्नापलु गिव धुर-र नघुर्जे नड ।

तान्य ता पोरो ताय दाम पाल रु पाल,
पारए खर्क ज़ मावाइसि नतुर्जे नड ।

नड्सेव येसिन्यँ कागत दैव-र खाल्का,
साचो सुँचिद नबुभिकिन् नहुर्जे नड ।

जोड वाढ पाल दुखलु रान्थैए हँयू,
मातान्यलाए कातन्य ता नकुर्जे नड ।

२०७१/०६/३१

गोङ्गबु, काठमान्डू



पार डायान्य

नभैकिन युड डायान्य ।
बार पर्वत जुड डायान्य ।

उछादी हुन साकी डालेव्दा,
युड्ल पसिन्य कुड डायान्य ।

खतिव लिज्य पो-र विनिके,
पारदा तर दुड डायान्य ।

साब्के कराँ मैरा मुता गल,
अभ ग्योव घुरुड डायान्य ।

नज्युडनी क्याड बाजी ताके,
निके पार घुम् गुड डायान्य ।

२०७१/६/२५

लिवाड, रोल्या

रङ्सिज्य पारल

मिँ-मिँलाए सतैन्य-र रङ्सिज्य पारल ।
ऐज्य लाक कतैन्य-र रङ्सिज्य पारल ।

कराउ नित्ताउ तान्य वर अपरिक,
खड नम्त खतैन्य-र रङ्सिज्य पारल ।

यासज साब्द पार-पारल यातानाक,
अरूलाए धतैन्य-र रङ्सिज्य पारल ।

दैखिन कता ज मारान्य मिँय जातता,
स्वार्थय क्वा पतैन्य-र रङ्सिज्य पारल ।

बुभिव मादुन्य रङ्क-रङ्क पारलाए,
कोवाक ज छतैन्य -र पूङ्सिज्य पारल ।

२०७१/७/२

जावलाखेल, ललिपुर



मडय भाहान

मडय भाहान खडन्य राजधानील ।
खै कता ज़ माले रडन्य राजधानील ।

भाहाना व़ाज़ अलेव पार ऱो दैन्यला,
सोजो ज़ मालेव मडन्य राजधानील ।

कयाड कराउ ख्यान्य ऐज दैन्य ज्युडनी,
साचो रितो कुई कडन्य राजधानील ।

ओल्ज़ बेहाल नाडखार कता रडकिव,
नो पार - पारए चडन्य राजधानील ।

कासो भासो भ्यालके भ्याल्द पाल ज्यालके,
कता ताख्यो ज्याल्द दडन्य राजधानील ।

२०७१/०७/०३

गोड्गवु, काठमान्डू

मड-र

राँव परिय रुसिउ मड-र ।
बोङ्गर ताद थुसिउ मड-र ।

सबगौन्य ची यम्कु-यम आभो,
कुड-र सेव सुसिउ मड-र ।

कर तड्रैद भुरो परी नम्त,
चिरगुल्लिसद चुसिउ मड-र ।

खार-खिर-र थाङ्द पलिन्य ची,
रव खोच्चोँए तुसिउ मड-र ।

दैन्य सन् नैन्य ची पार अपोक,
अमनी पाल कुसिउ मड-र ।

२०७२-असार ४
गोलढुङ्गा, काठमाडौं

मिन :- बॊमबहादुर घर्तीमगर
बाबु :- दलबहादुर घर्तीमगर
आमा :- गोमाकुमारी घर्तीमगर
जर्मिसिउ :- २०४३ मइसिर १५ गते
ठेगाना :- उवा-८ मालागिरी, रोल्पा
शिक्षा :- स्नातक



पुलुव पोरतोको-र

- स्त्रोचोके (मगर खाम गजल सङ्ग्रह -२०६६)
- च्याँसिव पारी (मगर खाम कविता सङ्ग्रह -२०६८)
- त्रि-सिन्धु (संयुक्त गजल सङ्ग्रह -२०६८)
- मौसम बदलिँदा (गजल सङ्ग्रह -२०६९)
- मोलो धवोड-र रङ्क (मगर खाम गजल सङ्ग्रह)

पुरस्कार :

जिवसिम साहित्य पुरस्कार (२०७०)

लेसिज्यउ

सचिव :- नेपाल मगर लेखक सङ्घ रोल्पा -२०६७ किनी

आजिवन सदस्य :- राप्ती साहित्य परिषद् -२०६८ किनी

सदस्य :- नेपाल मगर सङ्घ रोल्पा -२० ७०किनी

भाषिक उपाध्यक्ष :- नेपाल मगर युवा सङ्घ,

केन्द्रीय समिति -२० ७०किनी

मोबाइल :- ९७४८५४५५२५ , ९८४७८४६७९७

ई-मेल :- bomgr.2043@gmail.com, byomgr.awater@yahoo.com

ISBN 9789937843935



9 789937 843935 >